



KREANDO PROSPERIDAT DOR DI KONEKTÁ OPORTUNIDATNAN DI INVERSHON KU INVERSHONISTANAN

SKINA DI INVERSHONISTA

Publikashon 8. 2018

“Hasi fiansa pa” òf “invertí den” un fakansi. Paga tinu i sea sabí!

E rayonan di solo tabata baila riba e awanan briante di e infinity pool ora ku mi tabata rèk mi man over di e mesa pa e glas friu di frutpunch fresku primí. E meskla di fruta a lanta mi smak miéntras ku mi mente tabata lucha ku e desishon di bai djèt ski, kite surfing, snòrkel òf djis pa relahá den e stul di bich i apsorbé un poko mas di solo! Realmente, ken lo no ke ta luchando ku desishonnan asina! Al fin i al kabo, nos ta den e lunanan di zomer kaminda trabou ta slow, fila di tráfiiko a disperse i e yunan ta hunga na kas. Bo deskanso i relahamentu ta hopi nesenario pa revitalisá for di e strès di trabou, ta spièrta abo i bo famia pa tuma un poussa i relahá riba un òf otro trep di fakansi bon antisipá.

Trepnan di fakansi asina por ta hopi kostoso, spesialmente si bo ta bai ku e yunan. Gastunan di buelo, di akomodashon, di restorant, di aktividatnan, tur huntu ta suma un gran gastu ku mayoria biaha ta duru pa karga. Esaki lo por forsa bo di hasi un fiansa pa paga bo fakansi. Hopi biaha, famianan ta enfrentá un desishon asina, ta prudente pa mi hasi un fiansa pa paga e trep di fakansi aki? Si bo mester hasi bo mes e pregunta ei, ta nifiká ku bo no por karga e fakansi! Pues, pa kontesta bo pregunta, e ta un NÒ total; nunca ta prudente pa hasi un fiansa pa paga un fakansi. Mi lo enumerá algun di e motibunan akinan:

1. E pago bèk total di e fiansa lo naturalmente ta mas haltu ku e sèn original ku lo bo fia pa motibu di e interes ku ta wòrdu kobra durante e bida di e fiansa.

2. Fiansanan pa fakansi ta fiansanan ku no ta sigurá, i pues ta kobra un tasa di interes hopi mas haltu ku a interes normal.
3. E fiansa lo subi bo peso di debe i e pagonan mensual di awor pa dilanti lo forsa bo budget mensual.

Pues ni maske kuantu bo tin mester di bo deskanso, no ta un bon idea pa finansi'è ku un fiansa, pasobra bo por wòrdu fòrsá di ta pagando e fiansa ei, lunanan i asta añanan despues ku bo a regresá di e dos simannan di plaser di fakansi. En bes di esei, ata aki un par di tep ku bo por usa pa redusí e probabilidad di un fiansa pa fakansi i tòg duna bo e chèns pa tuma e deskanso hopi nesesario ku abo i bo famia meresé.

1. Start un kuenta di invershon ku ta solamente pa e trepnan di fakansi di bo famia i transferí sèn den e kuenta ei kada luna. Si bo no tin sèn èkstra, buska unda bo por kòrta den bo gastunan mensual pa asina bo por spar pa e trepnan di fakansi.
2. Usa tarhetanan di krédito ku ta rekompensá bo ku mianan òf podisé usa fun miles ku lo por rekompensá bo ku trepnan riba InselAir. Pero sòru ku bo paga bo resibu di tarheta di krédito tur luna i por kompleto sino e strategia aki por ta lo no funshoná.
3. Trepnan di fakansi pagabel ta posibel ku e planifikashon korekto. Sètùp alertanan riba wèpsaitnan di akomodashon i biahe, ku lo manda bo un mensahe ora preisnan barata òf pagabel bira disponibel.

Ku e planifikashon i aserkamentu korekto, trepnan di fakansi pa famia lo no solamente trese gran memorianan pa dura un bida largu pero tambe lo no kibra bo kuenta di banko òf pòtmòni. Si bo start un fondo pa fakansi aworakí, mi tin tur konfiansa ku bo por ta kla finansieramente pa e tremendo fakansi ei pa próksimo zomer.

Sigui Skina di Invershonista pa tur kos ku bo mester sa tokante Kreashon di Rikesa!

E editorial aki a wòrdu presentá na bo pa DCSX ku kolaborashon di Vertex Investments.

Outor di e publikashon aki: Stephanie Shaw CFA, MBA.

